

The Place To Be – The Stüblers (Text und Musik: Edi Schäfer)

Hocksch elei dihei, weisch weder ii no us
Läbsch z Dürnte, z Rüti, z Tann und häsch de Blues
Du frögsch di immer wider, werum wohn' ich au da
Doch du findsch kei Antwort, chasch di sälber nöd verstah
Häsch d Hoffnig praktisch ufgäh, dass da no öppis lauft
Dass sich i dene Käffer irgendöpper zämerauft
Wo nöd nur umliiret sondern macht und tuet
En Ort für öppis Handfeschts, das fändsch du eifach guet

Doch jetzt, du chasch's chum glaube, isch es doch passiert
Wer a de Guldistudstrass füzäh ganz locker iimarschiert
Cha sini Zyt mit Holz und Ise, Stoff und Lehm verbringe
Sälbverständli dörsch bim Mache nach Luscht und Lune singe

Chorus: Studier nöd z'lang, gib der en Schupf, mach di uf d Socke
All dini gröschte Wünsch und Tröim, diä chasch jetzt äntli rocke
Und wär sich frögt, was d Freizyt-Werkstatt z Tann dänn gnau söll si
Diä Antwort isch ganz eifach: Es isch The Place To Be
Drum chum verbii

Z Dürnte, z Rüti, z Tann bliibt fascht niemert meh dihei
All schwärmed vom ne coolen Ort und mached sich uf d Bei
Es Gampiross fürs Göttichind, es Mobile gaht huere gschwind
Drächsle, Chnätte, Büeze, Löte, bringsch's nüme us dim Grind

Und wänn mal nüme wiiter weisch, isch sicher öpper da
Wo dir hilft, dich unterstützt, 's wird niemert hange gla
Scho is es fertig s neuschte Wärch, voll Stolz verjagt 's di schier
Dihei wirsch scho erwartet, alli stönd Spalier

Chasch's immer no chum glaube, und doch isch es passiert
Wer a de Guldistudstrass füzäh ganz locker iimarschiert
Cha sini Zyt mit Holz und Ise, Stoff und Lehm verbringe
Sälbverständli dörsch bim Mache nach Luscht und Lune singe

Chorus: Studier nöd z'lang, gib der en Schupf, mach di uf d Socke
All dini gröschte Wünsch und Tröim, diä chasch jetzt äntli rocke
Und wär sich frögt, was d Freizyt-Werkstatt z Tann dänn gnau söll si
Diä Antwort isch ganz eifach: Es isch The Place To Be
Drum chum verbii

**The
Stüblers**